

存
悔
齋
集

存悔齋集卷十六

萍鄉劉鳳詒金門

詩丁未至庚戌

正月八日次桐廬廿里許艤舟觀岸上梅花同曹山甫聯

句丁未

獻歲行於越

鳳詒

東風下睦州亂峯春積雪

惠華

新樹碧生洲

計日剛逢穀

鳳詒

推辰更卜牛

是日丁丑

客程忘寂歷

惠華

新路少

句留晚照桐君郭

鳳詒

迴波菱白舟相將同躡屐

惠華

底事亟

呼郵徑轉平如掌

鳳詒

林開豁我昨密藏山一角

惠華

斜映水

交涼暖信南枝透

鳳詒

橫姿老幹抽光明生綃爛

惠華

嫋嫋絕

輕柔瘦影移時順

鳳詒

前生幾度修氛氲天女散

惠華

錯落玉

人雙擲點猩紅膩

鳳詰

附含蛾綠稠麝鬪眞粉本

惠華

細嚼丹

詩喉銅井銅坑接

鳳詰

瓊瑤瓊玖投居然衆香國

惠華

占得百

花頭竹翠綠坡台

鳳詰

杉青繞屋幽無言聊徙倚

惠華

信美足

悠游醉辦同年酒

鳳詰

舟子日同年

寒添客子裘今宵宜好夢

惠

華攜手到羅浮

鳳詰

嘉興

塔小剛迎郭江深不受驚時風溫到袖春水碧于醪販蘭蠶孃
屋齋糧酒府艘晨餐呼切玉吾欲驗瓜刀

上元夕泊閭門

金閨上元夕買酒住橋東曲巷家家水明燈處處風千金春事
裏萬蟻看場中偏笑經過客逢人問歲豐

呂城春霽

拂曉片颿輕蒼茫下呂城
渚長烟一色林淨日東生
白練入春靄金牛消水聲
阿蒙空戰壘留眼草縱橫

秦郵道中

江南二月雨瀟瀟忍著輕寒打暮潮
尋到淮南春更好桃花紅日作去花朝

水暖蘋香自不知行人春過露筋祠
回頭衣上湖烟碧多少紅船唱竹枝

登車

寬勝籃輿穩勝船坐憑馬力與爭先
亦知大道直如髮且喜和風吹到肩
春店棗欄遲一飯荒村秫釀苦論錢
似聞農吏分明

說不放耕犁近墓田

宿遷民

我行宿遷城城下無水聲我行宿遷野野外草不春水聲學人
哭草根掘人肉土民辨男女骨節三百六云昨歲苦饑百口無
一肥母懷割幼子父或餐其兒髓乾血亦竭腸胃供餽糜死者
勿復道生者猶僵屍至今十家屋九家穴狐狸我聞坐路旁忿
怒交怨悲凶荒滅天性區區殘喘爲土民止我淚勸我生笑嘻
去年少人走今年有人啼漸叱黃犢來莫厭烏鴉飛請告邦大
夫拯災乘未危上聞

皇天仁亦被父母慈

東平曉行

日色起眉際客行渾未遲山春催馬過花曙問鶯知壞道思王
墓靈風神女祠縣縣古青草憶事一題詩

荏平感淳于髡語作三解

一飛沖天一鳴驚人三十六年大王威行
甌窶滿篝汗邪滿車仰天大笑說在田家
一斗亦醉一石亦醉醇酒婦人魏公子智

盧溝橋口號

河邊春水柳邊塵幾輩絲鞭幾畫輪今日還鄉都富貴來時記
否跨驢人

題戴道士脩撰晉游詩草後因以錄別

尺素曾煩代北傳春風再見已言還熟知使者才無敵大快儒

風盛到邊拱揖雙旌諸弟子動搖一筆萬山川時平經術留餘
事莫認尋常塞外編

三十朝郎儼侍中文臣創見出關雄單車漢隴踰秦隴信史唐
風間魏風舉國絃歌材足用籌邊著作古徒工平生騎馬增豪
健旦晚華林

狩欲東

入秋將隨
扈木蘭

洛陽縫掖齒誰溫悔不疲驢走雁門拙取功名羞鄧禹遠更從
事負劉琨十年烏帽塵難洗六月銅街雨又喧待乞新詩翻別
意武昌秋柳怕銷魂

寄王方川先生

天下何曾有山水嵩翠河黃而已矣立見萬仞走萬里終古雲

濤塞眼耳于人想像誰復爾醉翁不作坡仙死畢竟英靈賦誰
子會稽禹郡才最雄人豪拜倒瑯琊公少日聲華黃閣裏盛年
詞藻玉堂中自從拍肩入蓬島十年給札明光宮三館祕書勤
奏御兩闌鼎甲壯門風多公之學服公鑒琳瑯照灼珊瑚紅卽
今翰詹重

廷試健筆公原工應制那知老手耽高懷偏讓門生出頭地

公門

人陸璣堂以試
第一改學士

開坊一刪舊資格試外特被新

恩例簿領文章原等閒神仙官府畧殊致得無家風追子喬鳧
飛來往天邊朝纔聽汝濱歌父母又催京兆領功曹一邑之侯
百邑長尹京喜得裴公相

謂畢中丞

同是鑪烟侍

玉皇會須引手青雲上河南樂府新流傳山薯野穠秀滿田質

子文書還絕口治河工役固長孺要之指臂借僚吏從事首剡
公獨賢賢哉我公本儒者才任恢張性冲雅捧檄遷官近太行
一鞭遙控看山馬從來監郡最風流况對晴峯滿郡樓雙眼放
開胷淨洗幾人作達定公侯願公飲酒消百憂知公賦詩希唱
酬思公踟躕惜裏足焉得杖屨誇從游無已聊憑尺書報容易
春婆夢休覺待得朱轡畫戟開

召還再拜

君王詔持此語公公一笑

武昌新樂府四章爲某方伯賦

湖廣熟 濟軍餉也

湖廣熟天下足湖廣人家糶餘穀穀貴堪飽鄉管民穀賤兼飽

他方兵昨年東風吹海水蜉蝣島中水出鬼將軍傳箭擒蚩尤
太平無戰戰亦喜借問喜者爲何由乃是西川部落之蠻酋自
荷

大皇帝拓土萬里恩許降人收妻兒長養世服烏蒙牛今聞點
丁命縛賊敢以蟻蝨上對

皇天酬牒下夔巫郡道假漢沔渡江上使君騎馬行肥肉花鹽
資無數晨炊不減竈晚食同餐珠聞道使君度支足轉餉十萬
飛澎湖軍行量弗久軍到執其醜將軍下令航海歸得勝紅旗
齊拍手再上漢沔船再逢前使君金錢犒士卒絹帛遺領軍莫
笑蠻人重優賞蠻人解敬好官長臨去猶聞哆口歌飽德今年
到湖廣

郢蘭 化民慝也

郢蘭郢蘭多叢生上有翠葉下紫莖江風蕭蕭山露溼獨與衆
卉殊其榮一苦棘刺多一苦蜂螫毒棘鍼損葉腐到根蜂尾傷
花若傷肉亂棘蕪蔓猶可除遊蜂怵嗟曷遂豈無貿貿霜雪
時可憐好醜同一衰亦有野燒谷中起蜂窠縱焚蘭就萎君不
見瀟湘君子身佩芬爲惜嘉植鋤當門春風桃李莫相妒幽谷
感被陽暉恩

漢陽估 恤遠商也

漢陽估漢陽估樂者自樂苦者苦貧爲錙銖走州府富兒日夜
競簫鼓漢陽估自我見窵人敝衣子還江濱一步一感泣近
前叩其因云從西秦遠投此薄販來往三十春前年市僧巧相

弄子母盡擲空隻身銜冤執牒訴公府公府有牘皆積塵今年
錢塘蘇學士判筆畫扇人稱神官家租調事具了折券兼活無
算民小人片紙甫上達公堂跽捧雙烏銀身邊衣裳口邊餬疾
轉鄉里寧老親老親思兒已三載老親見兒橐盈倍聽兒零涕
話短長一家焚香仰天拜拜祝公侯榮百代

江頭柳 謹官屬也

江頭細柳春作花江頭高柳晨排衙生蒙上天賜雨露骨不柔
脆形杖杪朝看柳看柳勝看松孤松不免藤蘿縛柳條擺盡塵
埃紅暮看柳看柳勝看竹竹嫩遭蛙拾作薪柳自年年拂金轂
不願爲劉益州獻栽內苑誇風流亦不願爲陶刺史停車辨問
小家子但願黃鸝飛飛鷺子翔墨鴉遠去林間藏千株萬株借

顏色野葛無附蟲無傷江頭柳照江水江水之清有如此東風
吹暖梢四垂垂柳蔭人人不知他年作相開金隄

登黃鶴樓信筆索同人和

東下萬里水此山橫一樓岷峨大江塹漢沔古時州仙者已黃
鶴野人空白鷗吾能攜鐵籥吹破四千秋

太白神仙謫騎龍任去來如何鸚鵡句移到鳳凰臺天地豁雙
眼江山歸一才時平烽傳絕楚塞跨雄哉

寄懷錢湘舫修撰次贈別元韻

眼見黃花節候過刁刁木葉捲愁多山川留客詩相屬風雨懷
人夢若何秋館雙鴻千里到塵牀一劒十年磨此來不問離騷
意偷聽巴童唱九歌

仙人騎鶴幾曾過一郡之中感慨多
夔峽蒼茫渾未了楚宮蕪沒待云何
授衣天末驚消瘦乞食侯門算折磨
寄語青峯錢學士近來湘瑟不成歌

送謝梧崑任穀城

房陵東漢上秋舫送官人千里響黃葉一江明
遠津櫓搖聲雜雁盃酒吹鱗到縣開堂印軒清快弭塵

畫出宣城句飛吟三峴間粉香疑古水屏翠向仙山
獨憶陪臯履相將跨鳳關迢遙燕郢夢天末費追攀

次叔魯夜雨有懷

十日捎簷冷雨聲翦燈消受送秋情聽梧別館蛩空咽
看菊他鄉雁又鳴賸欲當杯長嘯起不曾倚枕夜譙驚
猶慚子舍經年

閣踞報雙魚望速行

東西解遞讀書聲觸撥年來按劍情兄弟英華懽鄂讎友生投
合愧嚶鳴壓殘金線三春恨余四試禮闈三薦皆入彀俱以故奪打下禪牀四夢
驚無賴楚天風雨惡羈愁添出短歌行

黃州口占

孫郎圖霸苦無功坡老遷官數亦窮僥幸黃州一小郡千秋人
說兩髯公

登琵琶亭

琵琶亭古接風烟無復琵琶聲在船最不世情衫上淚豈關幽
怨袖中絃我來暮雪空江外愁絕黃蘆苦竹邊誰起元和醉司
馬一杯西笑慰華顛

九江大雪

東吳西蜀森寒流白浪如山擁去舟萬鳥不飛帆一葉滿天風
雪下江州

石鐘山

大江壁立玉孱顏絕勝壺中落掌間三日東風吹不響雪花飛
滿石鐘山

舟中望廬山晴雪

雪色飛太古山光流半空高寒凝不散元氣積其中浩浩雲橫
頂蒼蒼日射東冰容開五老風力礙層穹天地互迴薄陰陽何
混濛萬峯仙鶴影三峽白龍宮名嶽冬逾壯重湖路四通茲行
快奇觀盡日許推蓬

題葉雲素借書舫圖

石林後一人數間老屋漢水濱閉門妻子日左右歡奉白髮之
慈親不省鹽米價辛苦熬待無錢貧前年作宦到蘄水輒嚼苜
蓿盤中春藏筆不用抱卷泣泣罷還理儒生巾今年幕下任教
授學堂無事揮篋塵嗜書驅排蝨蠹劇好異剔刮蟬魚新要令
萬袂飽眼福隻字不放方能神我初弗爾識識爾笑肯止勸拋
古老儕諸餘莫棄富貴眉首死爾言誠何言疾速手掩耳不見
上舍老明經一朝叫跳謁撫仕公相受拜憐酸寒頓飯歸來餓
吞紙又如舍北少年生三春上書走千里旋家下驢跌欲倒未
嫁遭嗤醜女子天生七尺定有爲眼前人事休挂齒約君閒暇
呼扁舟渡江見過草堂裏待發崎嶇假借物畧對寒烟話終始

不然請看半舫圖無意襄陽貌顛米我接此圖駭笑聲倍喧然
稔爾處鬧市中間何有船爾家幾石薄租穀納官而外供甘鮮
那能挑杖入書肆賈客驕爾宜不前爾云聽母譁指畫對我說
此舫原虛拏此書亦謊設往常捫腹百遁逃悚惕成魘夜弗絕
後來併力窺陳編此物怪能攝精血仰屋坐歎書不足空中秘
示借書訣遂叩富戶甘新逋卷軸豪哉備羅列尙恐窄小雙門
中僮僕難容走送迭想出打造木板蓬坐擁晴窗古光微我始
拍兩掌笑我識爾遲假使年時早識爾誓以月硯風甌隨道中
若逢索書債耳目裝載神颿馳我又低兩眉笑我識爾淺爾是
名色稱借書其實胸有丈二舩我若硬趁下水船怕不徒勞竹
筒喘此畫且復還此詩重復哦爾自看書我看爾舫頭舫尾爲

爾歌百年定有古夫子排戶追爾前欠多葉生葉生終奈何

漢江五日觀競渡歌

我思古三閭幽怨萬千結心悲江潭水身捨蛟鼉穴至今弄舟
人弔之五日節此風盛荆楚遺事傳喋喋招魂殊可憐好鬼那
可說客來漢江久入夏興不愜天中忽僂指祭屈椒漿冽九子
糗一飽五色絲屢綴懸門多艾人稱手有蒲簑於時挈游侶步
行出城堞駕言眺江干江水碧盈睫南橫洞庭雲西注峨眉雪
大者十丈檣小者七尺艤及此波浪平蘋末吹獵獵江豚不敢
拜鏡面鋪熨貼遂呼衆三老黃頭駛飛楫一舟對岸發一舟中
流截數舟各紛拏金鼓競喧絕或爲龍首挂或作龍尾接氣逼
濤頭寒力衝汉口狹何用漿雙打那用帆半葉急如弩弦張疾

如鳥飛瞥謀如山合圍謹如水軍捷前隊勇莫當後勁膽勿怯
無顛風簸揚嚴陸地蹂躪細響排笙竽怪影駭魚鼈少焉望旌
旗第一錦標掣萬口歡若雷拍掌叫弗歇亦有襄陽估填路夾
肩齎輕衫與大扇醉步踵相壓亦有大隄女攜手裙簇蝶辟邪
簪銅釵斂笑動香屨那知看場中蜂蟻散一霎歸來浴蘭湯榴
酒樽更設

文八表弟十五補弟子員來應秋賦書扇爲贈

仿佛蘭成射策年青袍白面妙才先纔從一轉窺丹候更踏初

桃證大禪同歲注名叨夙幸

子年十五
忝學額

盈門標雋驗魁躋

尊甫
拳庵

及其從父西
岡偕來應試

天知老福酬陰德與報含飴祖母前

斗大萍紅話故鄉尙書門牒數前光

前代文尙書
明籍吾邑

些須澹墨關

時會容易青雲列輩行八月好風香桂袖明年佳味過天漿科
名利市尋常有慎勿流連舉子忙

九日登城樓望西山作

熟看西山似故人秋來晴翠過于春長江金雁無多影拋與青
天作點塵

不識如何愁作堆青青雙鬢後生才江樓舊夢風吹醒黃鶴一
聲山月開

天半吹簫今不聞何當揚袂掃纖氛大聲一呼彩鸞女同跨山
君吼白雲

露坐無人嬾獨歸高城西角柳條稀豐年飽喫家鄉餽努力吟
腰爾許肥

九江題壁 己酉

七十二匡峯春雲百里濃行程遲問柳古寺半依松塔遠收潮勢江明助雪容逢僧先一笑勞爾飯前鐘

送戴可亭七丈視學蜀中二首

玉堂仙漏曉琤琤惜別秋飛金雁雙奉使遠勞馳蜀道憐才驚喜到蠻邦天維東井占珠斗人去西川擁碧幢判取清心通萬里峨眉山月照寒江

眼底山川付筆匳前懷杜老後蘇髯閒從錦水論文好笑憊青城訪道兼邨酒醉時筒屢換嘉魚齋日箸休拈此行若過岑公洞滴露重煩易注添

消寒圖得圖字七律二首

一痕梅額乍描摹翻出臨風第幾株人愛忍寒擅翠袖花如沒
骨點春酥無多著色新妝竟有意憐香曉夢蘇便合清閨呼學
士平章添繪衆芳圖

白玉丰裁紫玉膚美人細意盡傳無前身許伴烟和月小影兼
描粉與朱送暖巧回春信息寫生慵補繡工夫綠窗也有催花
手畧遣芳心入畫圖

文官果花

文字因緣信有諸向榮早傍五雲舒未隨中使珙盤俸已荷東
皇玉敕除豔鬪江花新賦筆芳留鄭草舊經廬春華賞後珍秋
實庶子家丞總擅譽

頭銜花史署何如文杏官梅品次餘位置最宜青瑣闥平章先

乞紫泥書漢廷盧橘名空著王氏來禽種漫儲若與林丞辨方
物楚萍也合貢鄉閭

汪文軒用坡公送子由韻爲富軒賢仲錄別重次一首以
贈

燕關老柳秋突兀霜降寒風悄將發送君歸去重流連聚時歡
然散寂寞酒腸鬱勃離腸環深談忍令燭滅沒相思茫茫三千
里小別匆匆八九月楓葉蘆花殊惱人河之干兮望焉惻行矣
長街靜車馬露宿風餐慎毋忽祝君暫去還復來萃鹿呦呦起
笙瑟玉堂文字多因緣子由僅居阿兄職

家人寄敝裘至口占

短書重襲故山通嗤與遊秦季子同袖有餘春人掛綠篋無完

製女添紅關心萊綵留歡處迴首牛衣繞夢中賸欲誇張

恩例厚玉堂吟寫

賜貂豐

翰林例得用貂裘蓋異數也

散館日恭紀

仙苑晨暉趁麗朝題宣黃帕

御香飄人來天上光逾近臣本田間分最遙名世遭逢託麟鳳

出山材品愧瓊瑤

是日羅賦石韞玉詩

試一目

簪毫怡備羣星數

與試凡二

十八共拜

珠庭壽

佶堯

分外光明耀

帝居文章各慎致身初藻思遠謝風檐下

恩例休辜月俸餘

庶吉士例得幫俸以益膏火

人物清華斯未信昇平報答

究何如他時動色金蓮院應照青藜閣上書

芸楣師移居新邸宅後文官果作花命題課庶常時余秋
室前輩寫之便面因賦四絕

未果先花簇亞欄頭銜誰與署文官拈題史院猶心喜帶得瓊
林春色看

繞宅繁英手自栽西華雲藹

賜居來高逕識合圍金帶四月揚州藥正開

一樹分明貴氣存川紅丁子漫同論也知退食尋芳好愛敬端
歸獨樂園

粉本輕勻爲寫馨試添桃李在門庭當官餘暇論文劇草色橫窗看注經

彭芸楣師以哈密瓜畫扇命書課賦旣寵以詩瑤華主人

見而和之復畫一筵索書次韻報謝

喀嗎

同語玉工

雕盛喀袞

同語瓜

寒年年奇蜜

同語葡萄日奇石蜜食

共登盤雙

瓊直否高題品風味花門掌上看

舊賦西濛碧顆寒瞭臺

哈密同語謂瞭臺近嘉峪關

關路切雲盤微瓜滿抱

皆冰雪多媿詩仙忍俊看

附彭師原題作

嶸州甜雪沁心寒破臘馳來驛百盤素筵寫將雙綠玉招

涼六月好攜看

句中香透字中寒三館高材擢露盤西抹東塗卅年事老

夫當讓一頭看

金門館課哈密瓜賦極佳昨索書便面并屬蕉雪圖之元瑞題識

瑤華主人和作

崖蜜嘗時臘正寒可能祛暑貯冰盤玉堂賦出三都雪芳
潤圖將素簞看

宗匠千年席不寒尚書聲價果槃槃今朝衣鉢傳能者豈

與歐蘇兩等看

劉太史館課哈密瓜賦贈炙一時芸楣尚書時教習庶常愛賞其賦而圖於便面屬

劉書賦後方而自題以二絕句有老夫當讓一頭看句余

見扇讀之作果清雋不羣且喜菽林又添佳話也復乞芸

楣索太史書一通於扇芸楣再疊前韻見贈余喜之不勝

走筆和之書扇右方並識始末時庚戌夏五月十七日瑤

華道人

上御 山莊宮門引

見適衛士獲虎卽

賜安南陪臣敬紀七律二首

萬點清秋塞上山太平榮扈

屬車閒秋風豹尾開

天仗曉日龍鱗識

聖顏南服自今威遠後北平何處射生還會同不似周宣業侈
盛車攻吉日間

賜出雄姿國外尋

恩孚象郡遠人忱豈因探穴知強弱畧爲從風表縱擒萬壽怡
逢稱兕日四方同有獻豳心何當羽獵甘泉侍親頌

君王神武深

瑤華主人以賦得乘興還來看藥欄五疊韻見示奉次元唱

見說當階紫霧蒸花期後矣看花仍何來不速歡初賺爲惜將
離開半乘拂旦幾人春選屐禁寒連夜酒圍燈兩行映玉神仙
誤四座腰金宰相曾探豔剛剛晴未老翦愁泛泛藥虛稱都教
踏徑苔邊到莫漫穿藜亞字憑添架行當絡藤子出城政要挈
茶僧匆匆十二雕紅倚酬謝東君補句勝

題畫

半村半郭占蕭閒人在沙鷗水特間絕勝垂虹秋色好一房飽
看六朝山

庚戌撰進

聖壽八旬頌冊仰邀

賜段嘉獎仍命匣貯淳化軒敬誌榮感

赭黃帕裏玉籤題璧合重教押璽泥

呼蹠近前垂笑問詞官那解話西鞦

冊有同人底貢詩用回語

驚傳

天語賞奇才落筆中書堂上催

命大學士王杰傳旨獎勵併指改冊中誤字

從古

聖皇無此教

憐臣識字警臣孩

此恩訓也

寵極加身燦

賜袍賀牋嵩獻與天高燭霄同佇

奎章下四大城詩拜

揆毫

亦王相
告述

尤悚西江大器稱文章氣節幾人能及茲年少勤培植吾卽神

堯輩已增

越日

命協辦大學士
彭元瑞再傳

慈訓

彭冢宰館師六旬壽詩

亥字書年始庚星紀算長名才論輔弼大壽在文章望重人瞻
斗恩餘自署堂六旬花甲子一品袞衣裳

帝輯寰瀛祉臣依化日光自

天諸福芘其月小春陽命世高崧嶽生材賀棟梁穗禾遷秩兆
梅玉和羹香奉酒先生饌得門夫子牆情詞祝延至分誼遡源
詳其憶帷趨絳初欣帕啟黃藥宮登第後芸館授經行遍誦承

明作如探廣海藏觀

天文有象知

聖道彌臧江令生花管燕公記事囊
內心歸醞釀大手豈鋪張
書闢費秦誓圖徽禮樂場懷鉛工討覈
珥筆遂輝煌多識先芬
抱聞詩

磨藻揚雪吮華殿左春帖閭門廂供奉
三清譙皈依七寶裝佛
乘榆櫨藉仙路閭瀛望喻馬程塗正排
鱗節候芳史編闕範治
法物對琳瑯進

講聯班序賡歌矢拜颺石渠籤讀畫寶
積牒登航額倂摭儀典
乾坤集福祥十篇詞頌

帝三藏字編主冊誌占農協屏依頁

展獲事臚

億齡盛功備七徵彰發論金川蜀尋聲樂府唐千文彌襲積
全韻扣鏗鏘西域師圖續山陰帖詠觴辭敦庠序校帙衍兩風
陽析奧澍中籍通經省內箱丹青標職貢金石襲縑緗語取摹
天肖頌申

稀古慶式承敷極錫載

示健行疆博大鄴官紀敬明巡典薌春燈新寶柱石鼓次陳倉
大禮賦追杜平衢歌邁康逸材榮

鑒賞壯采迴軒昂神穎通靈屬儒珍力學償屢曾

頌秘寶彌足耀文房腕得賤題貴心寧墨守忘抽毫呈翠鏤捧
硯截松肪雪粲狐千腋雲霏錦七襄拈來如意妙

賜助佩聲瑋異數眞稠疊鴻儀孰頡頏卿材供鑄久

君舉必書當翰墨猶餘事勲猷實共勩論思標史柱參典晉宮
廊青綬秦詹事丹臺漢侍郎

殊知承玉闕名士譽江鄉練達優從政

咨詢稱簡良考工資省試主水策修防會府遷司計農儲畀引
綱甄衡崇職要風力佇清剛階踐六曹半

綸銜九陞常夏官謀正劇圻父位攸助秉禮從繩度明刑凜特
傷藤廳重到處藻鏡自持將吉耀三台正中樞獨座莊文通兼
武達行表與言坊太宰躬居選尙書議總方主持繫風教綜覈
愼明敷銓品端澄敘朝徵待發皇小心恒縝密大度更汪洋任

重酬

恩切才多借職嘗人倫精鑒拔役作細程量惟見心如水平何妨
鬢有霜蚤年深閱歷

禁近久迴翔獎士推無類敦材場未遑九方馬呈駿三奏鹿鳴
簣潤色敷芹莠裁成備桷桷常師膺肯監羣彥引仙閭器識懷
端雅丰裁出老蒼蒲編精屬草藜照爛垂芒履聽星辰上身親
日月傍安居華厦矗

賜騎內閑驥世業興王謝高門舉薛匡太平枚卜允

盛代渥恩瀉溫國德尊洛錢齡賢軼商歲從門下拜香瓣祝南
昌

餞別同年張藥房請養歸粵東次錢裴山韻

經年芸館接肩差同籍君初判襁時

同年館職請假惟藥房以養得告

潔白補

華依小雅淒清夢草覓春池一官投牒催行色萬里緘膾疊贈
詩去就祇應明至性臨歧樽酒勸支持

歸歟重試短轅扶計到還家逼歲除驛路吾鄉梅有信泥封子
舍鶴將書爲欣海闊帆收處可憶天寒鼓紉如願祝老親俱健
在春輝南北兩門渠

余時適迎養以是
頌藥房因以自慰

春浮居士夜坐成吟室中禪誦諸君皆斐然有作各次和
之書德園先生圖後

一豆燈光照影回跏趺定和悟餘閒題詩佛果三生證玩易天
心七日來人海此身今得岸禪門諸觀盡消灰年前擁褐耽高
臥憶煞江南萬樹梅

右和春浮

蓮花偈子轉千回梵帙時看法喜開漫約全家賦偕隱端宜合

相禮如來晨昏對數摩尼顆問答頻消篤擣灰舉似東山忍和

尙慧能攜手上黃梅

右和忍慧

可笑蘇家錦織回那如繡佛一樓開吟殘風絮都拋卻拈著天

花又散來苦行未應嫌菜鉢清香白愛護簪灰請煩漬蒲餘

習圈點消寒畫裏梅

右和果圓

簪毫作伴玉堂回添得文人煮菜閒艱性藉康容我獨淨名蘇

晉見君來鄰鐘細數華嚴宮硯微熏新火灰一種閒緣消不

盡吟成七字起臥梅

右和愚生

榴皮省識伴間同學道公然坐具開情話了知親戚悅音書恰

好故人來

無量信
適至

平生願力依檀海遠結心期排芋灰莫學禪

和輕省鴈眼前清福鶴兼壽

右和耐山

簾衣輕颺夜風回猶聽琅琅白法開清淨一門忘住着莊嚴百
本生來兒戲索笑敲經杵婢不知詩守爨灰諾否山妻充侍
到時教訪素心梅右和慈願

從誰枯坐篆烟回也傍寒閨月鏡開此女解參摩詰記前身應
化雪衣來問勞縛帚驅塵屑靜候煎茶撥密灰若更折花逢磬
口繞龕勤供膽餅梅右和重公

蟄室周旋觸壁回崢嶸歲晚客襟閒春藏臘聽爲親壽雪擁寒

蓬載婦來

家人時已
戒途北上

恰比兩家謀按屋融和一氣驗吹灰翼日
大寒

節

主人靜寄圖中得香在簷林冷在梅

存悔齋集卷十六終

存悔齋集卷十七

萍鄉劉鳳誥金門

詩 辛亥至己未

送吳蠡濤觀察還粵東卽次見贈原韻

百忙何意借閒身，徂暑分攜潯自春。
見道從容持吏局，論交親切等家人。
雨粗侵竹涼迴簟，風軟移蘭夕藉茵。
誰識同情憐阿仲，蜀山千點望嶙峋。

沈思稔有宿緣存，離緒縱橫忍具論。
下瀨旌旗催擊楫，到衙衣帶緩停幡。
經時悔我慵詩債，一語盟公絕酒尊。
奮欲往從徒眷眷，海雲飛動五仙門。

題同年程任齋太母教子圖兼以錄別

鄉有賢母夙所聞諉花祝我同年君圖爲圖識曰教子年七十
矣懷恩勤黃山蒼蒼宜水綠母兮母兮抱芳躅少作孤帷露紉
人老來種得佳兒福母之苦行首事姑米不盈甕薪無儲與代
夫君盡三禮屏當一出簪鐙餘母之賢名耀里閭族鄰諸姻兩
無間窶者賙之弱者扶以憂患愈恤憂患烏啞啞兮母哺子翼
之乳之子所恃彼烏之愛雛則成已解離巢學飛矣母之鬻育
重者慈母之明達實惟教能言教子以詩書識字教子以忠孝
兄弟尋師路佰仟師教仍如母教然述祖果成綾餅宴拜官新
掃墓門軋我昔同君攀桂萼讀君之文敬君學舊事匆匆瞬十
秋疲驢風雪長安約己酉之春予以敝裝最遲屈指試期以趨
程不及二月中旬次韓莊忽于逆旅中與
君相值詢之則皆以公車來也兩人踟蹰道路謂預試可不試
亦可一若無所事事而抵都僅闕前三日試竣又同登榜奇矣

對策日羣公納卷畢出兩人又獨遲進
鼎列而讀卷者特以君爲後勁遂被

呈余倅
旨除縣

五次公車一

第榮人生何止爲科名可憐老眼門閭倚片紙泥金悲喜并今
來注選天官籍南去牂柯好春色竹馬黎人也解迎版輿潘令
容親掖索我題詩紀此圖愁我送君烟柳蕪但使謳歌騰衆母
不妨離別屬吾徒坐君高閣之鳴琴餉君公堂之春酒娛親已
足報政成壽母安康樂長久

送同年達梅岑檢討于役喀什噶爾

我忝遷官君歎休此才天豈付優游一年解組辭金馬萬里橫
刀出火州小別也應盃更盡壯懷何惜筆先投書生骨相封侯
慣三十功名尙黑頭

綠楊回首滿燕關六月行人日炙顏耕課屯丁戍屯卒玉看秋

水馬秋山瀛仙賦在長相憶槎使書成算到還爲趁四城輸入
塞平安一一寄年班

謝蘊山前輩重拜典郡江南之

命出示四詩卽次元韻賦別

十日垂簷雨如醉秋風忽洗蓬萊山長鬚捧箋得傾倒巨手濡
墨非等閒公本鄒枚列鸞掖

君今堯舜覲龍顏朝

天恩語迴環誦想像明光對舊班

記得江城揖座隅一燈詩老照仙蘇東山請爲蒼生起南國行
吟畫戟俱同榜公卿凡幾輩太平簪紱佇新圖從來出處關身
世况少微斑點鬢須

此去邦人識者多使君五馬又經過爲酬到處焚香祝恰慰前
番臥轍歌京口秋濤江郭柳揚州明月郡齋蘿興來開篋揮宣
素銅盞敲餘汎酒波

後卅年稱後進身大賢瞻拜氣如春杏筵譜在慚高甲壘日碑
多勉受辛拈麈槃槃剛接席張帆葉葉已離津政成早晚重趨
闕被召猶然迹未塵

辛亥秋法梧門前輩集同年于陶然亭旣爲詩復圖之以
訂後會次韻題幅

黃葉滿亭子青山空酒杯金蘭成一輩簪屨接方纔散直光陰
趁稀游語笑猜深情矜會合多謝主盟來

得第從先後重緡小錄眞十年夢霓羽千里萃雲鱗宜稱逢秋

宴都下進士同年台例子春月茲以秋期集鄉舉同年竊謂最合情事匆忙敘舊人題牆良有以結托指蒼筠

短堞如山偃空窪失水濃醉憑疎竹得涼換袂衣逢日暮車迴轆烟昏寺打鐘便資歡賞足焉用費鞵筇

此會流傳好商之畫者然澹隨人約畧高著屋駢田八九月霜檻雨三時茗烟眼前追景物詩債動逾年

功德林老僧福慧以三月初八日化去存之以詩行別爲作傳

苦惱慈悲兩不關活人心計趁身閒粥花棉絮三千衆抵盡春風庇萬間

古寺清明念佛天蟲蟲鳥鳥放生錢更藏萬骨零星冢合爲前

生補此緣

送家幹齋農部還里二首

垂五十年名進士列三千叟老儒臣

公以乙丑成進士
乙巳恭預千叟宴郎官省

望雞香俊

兩入郎署

御史臺班牙繡塵

會歷諫垣

兩度海幢持吏局

兩爲東粵

司監七旬霜鬢乞閒身投簪未有馮唐戀熟計江湖魏闕人

三十三峯玉笥山住家原在洞天間種柑好使金州徧

宅舍產柑劇佳

斫鱸猶思錦水還

令子宰蜀時擬往游

歲月看增腰腳健功名全付子孫

閒此行底用誇冠蓋萬柳春明手共攀

立夏日何研農前輩招同胡蕉雪工部翁宜泉汪文軒前

輩崇效寺看花和文軒韻

步出城西隅平樹開綠天輕風掩堀堞埜土分駢田棗花古之

寺鐘醒殘僧眠舍是失幽賞何處青鞵穿前時逢老贊白髮消
流年今來坐花幔紅藥晴微薦踏徧十丈軟看到三春鮮有若
牡丹下晴定狸奴圓佛樓一啜茗行者收行纏口畫寺門舊閱
四三朝廷橋左而梓右俯仰枝交緣佐以幾穉竹童卯差我憐
行行不問佇立神忻然十載了癡願迺償君平錢閒迴玉堂
畔共臥禪廬邊有酒不得醉思復吟之篇脫手好珠玉豪哉前
輩前一詩一公案證此香花筵

再游劉家園子

坐閱花光露館虛俊游頻對馬踟躕名園再汎宜城酒春市新
晉石首魚江遠於人雄霸地山沈如夢故王居

園爲故崇王別業土人呼崇府

山微才那稱登樓客漫放豪吟比似渠

中元後五日郊外訪桂花消息仍倒押添字韻

兩月未出郊吟興嗟久淹放眼向寥廓驅車不下簾情餘藝圃
暇游刃尋花銛湖波滌人影堤外風微尖木犀叩香剝欲往心
先怯窖藏去秋樹閱盡九夏炎長河引活碧浴此月窟蟾新花
貢方至不脛走鰈鷁舊株成土著坯戶滋泉潛色雖辨強弱功
迺歸莊嚴吾不支遁爾郭駝爾勿謙衲子笑而諾乞詩陳尺縑
濃熏靜中觸散及諸經區對花不須飲酒自輸花甜鬪險盤硬
語任嘲蛇足添

七月六日送汪耐山南歸口占書扇

四載交游兩別離

己酉初識君卽于是秋南還

無端去住觸琴絲抽帆潞水

行人夥誰似全家見道時

勇退名場賢父兄覓科憐爾亦心輕今番頓卜行藏準數兩裝書已出城

七月初旬絡角天歸歟休寫悼亡篇

時有安仁之戚亦于是日奉以登舟無能慰

藉傷秋雨白玉棺中哭女仙

一見論婚愛掌珠前緣後福定相俱伶仃獨歎呱呱者夢裏呼

孃也似吾

余以五歲失恃佳兒元爵亦甫及五齡

玉堂茆屋趣都諳漫作聰明閱世談此意旁人難強會平生寄

託在江南

送爾回看二閭流蕭疎垂柳近牽愁他年拍手仙凡路癡絕離人笑此秋

封使成漪園廉訪再莅安南賦送二首

癸丑

文昌光曜宰官身汾絳春移桂管春奏白早刊三院藁鋪紅晚
拜七科人蠻荒訓俗初持節清宦同緣幸接茵覲擬辭公船鼓
發時將出按外郡日南諸嶺看嶙峋

巢痕雖舊夙心存經術兼并治術論米價鹽盆勞判牒禾風豆
雨快登轡後堂課子翩聯秀新婦添丁抱送尊未敢強開湯餅
會一詩緘笑賀清門

次法時帆祭酒前輩韻五首

暮秋孫河道中

一路山當面秋嵐瘦可圖車行出楓櫟田晚臥瓜壺大坂雄驅
馬長谿淺汎鳬關南好民氣豐屢不徵租

牛欄山僧舍卽景

土偃岡盤勢鬱蒼
榻來負手話斜陽
客摩老樹撐簷獨
僧掃寒花上帚香
百里塵昏容馬歇
一天雲細得鷗涼
西廊快絕吟聲起
齋鏤餐餘共對牀

宿元聖宮

尙覺擁衾早開寮
踏影微風憑天與
勁霜到野添肥兀
兀青鐙挂蕭蕭
絳葉飛無眠醒亦
可短夢觸何機

密雲縣書店壁

遠堦如鍼小蒼茫
縣郭問天橫
紫荆塞秋老
白檀山信宿
鄆人聚承平
戍卒閒朝將
迓旋

蹕羽騎蕭蕭臨關

秋岡晚眺

十萬峯藏腹歸忘百慮勞記游蠻土熟望遠塞天高月上急呼
酒霜寒初換袍匆匆兩三宿酬唱逼秋豪

于滄來以藤枕櫻拂子見貽戲謝

蕭然藤笠與櫻鞵六月嬉炎海上來已喜深情通夢寐更憐垢
面拂塵埃一團黑蝶風花聚尺半蒼龍霧鬣開攜去還山誇長
物美人貽我稱詩媒

七月廿一日同汪靜厓丈走別于滄來州守是夕邀飲虎

邱三賢祠因用昌黎山石韻

卸帆葉葉風力微翦雨一疋輕虹飛訪公而來別公去夫容之
水秋江肥暮投武阜躡山趾花枝睡蚤人游稀開軒促坐密行
酒啖棗七粒神忘飢大賢三公嘿笑之數子語語驚蘿扉公兩

老友摻執手謂言嬰乳仁漿霏牧民功高上考滿朝

天忍此扳輪囷民懷公兮思孔勞我懷公兮淚盈衣悵悵至性
守方寸萬物所託何鞿韉行行我且屢卻顧奮無言兮逍遙歸
送春詞

池館紅疎綠已肥流鶯老去燕高飛無聊莫挽春光住一路晴
山叫秣歸

謁曇陽觀和盤陀翁寄題觀中詩併識曇陽遺蹟臨本

見道兒顏紅靈人脫天朽完完九宮鑒一性萬劫久真功益授
度胞轉氣輪吼逍遙振嬰冠迴駕崑陵口青天起墓妒大力抉
空詬依然長生宮曰藥宵擣酉南充彼寒女奇正助訾剖砥鼎
吾所希亟拜瓊館石桃漿餐晨霞妙感遞師友寶茲蘭蘭文飛

雲翼仙肘

我行廣陵城三首贈轉運使曾賓谷前輩

我行廣陵城誼聞使君賢異才闢文術筦政通神詮曩草三殿
詔仁言代

天宣九有慎財賦地官輔今權三十擁節旄淮海東南壩陳論
短寬晏仔重垂六年大生有萌芽蓄養功居先處身絕脂潤富
國籌安便一意振敝劫風靡歸除滯阜物物不覺如籥元工然
卽今巷童舞請雨君精虔朝捉白馬騷夕驅神龍鞭至誠動以
理清詎師廣川仁哉均此施四海流膏泉

我行廣陵城人誦使君詩深閱足名理一洗雕藻爲舊夢金鑿
坡風月三千奇摘篇奏近御

天子歡頷頤江山領佳壤風雅資總持自聞鐘鎗響爭琶寂弗
知抽豪上客對載酒門生隨精神仗冥會絕業千秋期吾鄉
詩派往作紛可追時哲數陳謝謂東浦蘊山兩先生老筆爭崇推鼎峙公
獨雄力健扛夔螭瓣香盛家祝何況歐少師公道匡世議弱管
多慚茲願言就磨劂良匠煩郢倅

我行廣陵城嘖嘖使君行放衙奉燕喜潔養補笙詠政事日以
暇天倫重相慶呈酒上母壽萬柳平山迎東郡嗟庭趨詩禮道
彌盛兩世玉堂薪巍然典型正圭璧守人德風誼敦曷竟尤篤
師友源貴賤交每敬內心長庶物一一抒夙性愛才植春英薄
彼雜卉競脫口揚美譽賢儁交托命吾生劇虛迂俯仰怯自證
輕塵誤華髮前輩仰光映何因喻轍塗不敏語斯請

渡江望金焦兩山用坡公金山放船至焦山韻

媧皇搏土神工耽兩星推墮天東南高傾義岷雪玉乳浸倒外
海靈峯三雞鳴潮生一江闊江嶂左右推叢蠶輶車引我猝不
去山公大笑爲人慙搏桑朝暾極簸盪吹起太古萍浮潭青烟
茫茫白水晶下鑲頑睡蛟龍酣撞鐘急呼三百指捫鼎坐忍千
秋談便當飛梁借虹亘窮髮無際收赭龕陰欲陽衍豁眞宰俯
拾部婁聊心甘名山過眼迅飛鳥空手掬寶難償貪誰言盧敖
徐福輩侈語荒逸神仙堪布帆欲下不得下中冷滿注趨蘆菴

常州懷于太倉去年守此

公赴郡以
河役出

到郡席不煖居民猶惘然

用蘇句

懷公復秋夕作達睨諸賢琴共

月留酌鶴隨人上船

蘭陵琴
鶴有圖

蘭陵誰話舊驛路晚涼天

東海豐州著功名滿考歡多情鍾赤子無欲耐清官澤稻寒宜
浸木棉秋要乾方知理民者燥濕兩般難

乾隆辛丑秋侯葦原師出宰三水及門祖餞於水月禪林
卽席賦詩二章書扇志別聞師到官後開府李公見而
歎賞謂大具器識不專吟寫之工遂留扇篋衍且屬議
婚此事垂二十年中間師遷守撫州尋以疾告茲嘉慶
戊午秋造謁金陵詢及前作樂道其事因重書一簞仍
系一詩師與李公皆生平不朽之感也

婚宦當年少未成誰知月老屬先生兩詩僥幸高題品一扇團
圓巧證盟翩笑塵緣妻子累可忘峯影丈人傾天花重侍維摩
詰話舊紛增感觸情

原錄別詩

萬里南衝越嶠炎風塵出俗道心添縣前峽轉堪懷古官裏泉
香獨飲廉仕宦中年感潘鬢文章餘事傲蘇髯匆匆又作都亭
餞繞坐僧廬一卷簾

仁人爲政尙寬平盜息禾豐聽頌聲墨綬何專漢循吏青袍惟
戀魯諸生春風滿座依如昨甘雨隨車重此行父老將迎師弟
別蕉紅荔綠數前程

金陵作

石城聯轡望秋門風義吾儕勉自尊折柳正須歐九共謂棣之尋
谿不問蔣三存道人睡美未開撥道人璞山善琴酒客愁多頻敝軒歸
語龐家老居士是日靜厓先生不至翦蔬亟爲訪郊園

自金陵還江右留別靜厓丈厚夫寧夫昆季暨楊止庭王
葆初兩君用堅同志之約成詩二章

十載交親長者行無端聚散劇難忘秋風一榻住深巷明月滿
船歸故鄉對酒當歌吾性慣兼程辦道各家忙此來抵過龍華
會大海蓮花功德香

伯子生男仲發科今年利市祝公多點頭親見朱衣老

謂盤陀翁拍

手歡聞丹竈婆

謂慧香室主人

大願結成拋不得淨名修去看如何明

朝便有相思夢只隔秦淮一道河

金陵登報恩寺塔放歌寄別朱石君丈汪靜厓丈

第一塔我當歌上塔不上腰背駝黑影無見雙瞳搓自一數九
龍圖河尖尾呼起阿難陀蹲伏夔罔搖蛟鼉乾璣坤軸旋半渦

化爲九層宰堵波金剛含笑轟鞞婆寶杵卓豎降雄魔日月雨
點虛擲梭雷聲下界嬰隱嚙琳宮鬱霄頂冠義萬佛涌現諸天
羅散花女手紛揉按我從導師拉禪和引我梯枕逞高眠芒屨
脫卻塵泥鞞蹻行疾若拋飛堦倏如鳥窺籠中囚八窗洞開踞
紅鵝百數鎖閉靈籙窠朱碧闌楯森珊瑚金輪相光嵌紫磨登
登寸絙轉逶迤九曲蛇牀九旋羸九折羊坂九穿蛾我能從之
無跌蹉迴尻屏氣神歎歌江流可吞天可摩射日枉用抽丹竅
以佛觀日人敢訶此塔經始錐陽阿豪使土木興鋌戈賣兒貼
婦錢給宅喜捨勿論貪慳科飯僧普同法鏡頗無量功德求之
苛已迺鼻過人誰詫一夫餓死呼荷荷一夫落井牽雙娥侵尋
黑業連阿麼金川燕尾涎涎拖滄桑變閱迅晷俄永初以來譚

往觀鑄成百錯不一。削掃花請騎白特。羸海寶擎捧獨角獻拳。
毛孔子駢鼻駟護持。彼方蓮經馱作禮。圍繞鋪罽千二百載。
苦救麼。嘻乎哉。少者紅顏摧老者白髮。幡南朝天子風流盡東。
海仙人儼僮過上求。神媧補昂碣下乞地媪填。窳窩蠹蠹一木。
厦已殭。今看黝甌胃鐵蘿。梵文莫解半滿譌。江山到眼掌屢抄。
骨血朽滅遺癭痂。升巖望古煩憂瘥。但聞鈴磬鏗敲。珂無人問。
爾宮黍禾薺惱收。豎嗤樵哥恨腸那。抵慙顏酖百花讐。香市新。
醪山房乞芋分。薑茄奚事招隱淵。軸邁悲隨痛咷喜舞。倖於虞。
第一塔對之引長哦。八萬四千朝其祖聖燈。不見聊婆娑。積唐。
一片城鬼塞瓦官花。臺夕陽多度我還家。涕滂沱塔尖高高爾。
云何撐天月大雲無波青空之氣終古那。

己未燈節賦贈王春堂二兄

白面王郎遠春雲紫塞橫已聞羣盜息勿謂一官輕屯衛新司
牧耕鋤古寓兵尋詩頻憶舊翦燭不勝情

紫藤花雜詩

偶坐藤樹下暮春下旬間藤陰已可庇落蘂還漫漫蘂盡新葉
大瓏瓏晚花乾青天高寥寥兩蝶飛翻翻時節適當爾懷思自
無端

石上生孤藤弱蔓依石長不逢高枝引未得凌空上何處堪托
身爲君長萬丈故鄉春欲盡一歲芳難再巖樹已青蔥吾廬日
堪愛幽溪人未去芳草行應礙遙憶紫藤垂繁英照潭黛
濛濛紫花藤下復清谿水若遣隨波去不如風飄起風飄或近

人隨波千萬里寒松偃澗濱弱蔓垂纓綠波縈翠帶長水濺低
花頽終日採蘋人攀條映巖曲

寒泉下碧澗古木垂蒼藤蔭此萬里流聞花自層層何人賞幽
致白髮崖中僧本爲獨立難寄彼高樹枝蔓引數條遠溟濛干
朶垂向日助成陰當風藉持卮誰言柔可屈坐見盤蛟螭
嫋嫋數尺藤往歲手親插西庵敞短簷藉爾兩相夾歲久終蔓
延枝葉已交接有花散紅英有子垂阜莢赤日隔繁陰偃息可
移榻但恐風雨盛高架一朝壓霜雪卻不妨忍冬共經臘

存悔齋集卷十七終